



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 12. An in concessione feudi, vel Emphyteusis Ecclesiasticæ, servandæ sint juris solennitates?

[urn:nbn:de:hbz:466:1-73045](#)

est permutatio inter Ecclesias est jure excepta per allatos canones. Ratio vero, qua utuntur affirmantes (de quibus in n. præced.) nimis multum probat; nam ex illa sequitur, etiam licitas esse venditiones rerum Ecclesiasticarum, si fiant ab una Ecclesia alteri Ecclesiae; quod tamen non admittitur, nec admissi potest etiam vi Extravag. Ambitiosa.

§. 12.

An in concessione feudi, vel Emphyteusis Ecclesiastica, servanda sint juris solennitates?

1240 EX juribus allatis à n. 157. inter alienationes, prohibitas fieri sine juris solennitate, venit etiam omnis alienatio, quā in alterum transfertur solum jus utile, extra casus in jure permisso; at concessio rei Ecclesiastica in feudum, vel emphyteusim, est alienatio, quā in vasallum vel emphyteutam transfertur jus utile: ergo & hæc venit inter alienationes, fieri prohibitas sine juris solennitate, extra casus jure permisso; at inter casus jure permisso solum est ea concessio, qua res Ecclesiastica in feudum, vel emphyteusim dari solita, rursum similiter conceditur: ergo extra istum casum omnis concessio rei Ecclesiastica, in feudum, vel emphyteusim, prohibita est sine juris solennitate.

1241 Ex hoc sequitur rem *ante concedi solitam* in feudum, vel emphyteusim, posse sine alia solennitate juris, denuo concedi in feudum, vñ emphyteusim; non autem si primo concederetur id, quod prius sic concessum non erat; ratio hujus est; quia continuatio concessionis est inter casus jure permisso; non autem prima concessio, ut constat ex præced. n. quā fit, rem Ecclesiasticam, prius alicui concessam in feudum, vel emphyteusim, ubi casus contigerit, quod demortuo Vasallo, vel emphyteuta, ex vi primæ concessionis alias vocatur in successionem, ubi hic investitram petiverit, sine alia juris solennitate in alienationibus cæteroquin requisi-

ta, posse illi concedi candem etiam in perpetuum, etiam transitoriè ad hæredes extraneos modo illa res, antequam fiat hæc concessio, non sit Ecclesie rursum *incorporata*; ratio est; quia talis concessio antiqui feudi, vel emphyteusis, est tantum continuatio concessio-
nis solenniter factæ; at pro tali conti-
nuatione non postulatur solennitas ju-
ris, cum, ut ostendimus, sit jure per-
missa; & ita tradunt Quaranta in Summa Bullar. V. *alienatio rerum Ecclesie*. n.
39. & 40. Menoch. de arbitr. casu 81. a.n.
& conf. 66. n. 31. & conf. 79. n. 1.
& seqq. Molina D. 469. conclus. 5. &
alii.

Dixi: modo res illa, antequam fiat hæc concessio, non sit Ecclesie rursum incorpo-
rata, qua incorporatio fieri censetur, quando finita priori emphyteusi ad-
ministratores Ecclesie semel decernunt, eam non alienare; ut notat Haunold.
tom. 1. de just. tr. 4. n. 115. qui n. seq.
ad quæst. *an emphyteusis possit concedi so-
lum ad vitam accipientis, vel in perpe-
tuum, etiam pro heredibus?* respondet
affirmativè; quia emphyteusis jure Ec-
clesiastico non prohibetur, si serven-
tur solennitates, quibus observatis,
quamlibet permittit, quod ipsum habe-
tur in novella 120. c. 6. Nec obstat no-
vella authentica, de non alienand. §.
emphyteusim, concedens eam solum *ad
vitam accipientis*; nam contrarium habe-
tur in Novell. cit. 160. & illa intelligitur
de concessione solum *novi*; non autem
feudi, vel emphyteusis *antiqua*, pro
qua clarum jus habetur in sacris canonib-
us, quibus in hac materia standum est,
de feudo, & emphyteusi *Ecclesiastica*, ut
aperte habetur in c. *Cum Laicis* 12. h. t.
in fin.

Dixi præterea ad *continuationem con-
cessionis rei Ecclesiasticae in feudum, vel
emphyteusim, supradictas juris condi-
tiones* non esse de necessitate secundas; se-
cūs in concessione *nova*; solum difficultas
est, quid requiratur, ut talis concessio
non dicatur concessio *nova*, sed potius *an-
tiqua continuatio*? Ad hoc tres communi-
ter conditiones requirunt Doctores; 1.
est, ne concedatur alio modo, quam ante;
Sic Julius Clarus §. *Feudum*; 2. ut adsit
evidens necessitas, vel utilitas Ecclesie,

Tom. III.

OO 2

con-

292 Tract. in Lib. III. Decretal. Quæstio XIII.

continuandi antiquam concessionem; Riccius in præxi rerum fori Ecclesiast. decis. 5. 3. ut res non sit iterum Ecclesiæ incorporata; Sic Molin. tom. 2. de just. D. 468. conclus. 8. & alii.

1244 Ratio prima conditionis est, quia hoc ipso, quod in aliquo diversa sit à priori, saltem in extensione, secundum hoc est nova; quare, qui emphyteusim, prius concessam, solum ad dies vita emphyteutæ, vel solum ad hæredes ejus necessarios, concederet in perpetuum, vel etiam ad hæredes extraneos, non faceret continuationem concessionis antiquæ; sed concessionem novam.

1245 Ratio secundæ conditionis est; quia, si desit evidens necessitas, vel utilitas Ecclesiæ, cessat antiqua concessio, consequenter continuari non potest; ergo subsequens concessio non erit prioris continuatio, sed nova concessio. Hujus exemplum communiter tradunt in solo sterili, prius concessio alicui ad dies vita sua. Sunt autem plures, qui cum Castropalao p. 2. de reverent. debita Ecclesiasticis. D. unic. p. 15. §. 4. n. 4. censem, esse sufficientem causam renovandi emphyteusim, remunerationem obsequii in ea facti; quia sic excitantur alii ad similes meliorationes faciendas, & peculium Ecclesiæ augetur; quod fortè cessaret, si scirent emphyteutæ, rem sterilem accipientes, finito tempore signato conductionis, sibi emphyteusim reddendam non esse; Sic Barbos. p. 3. alleg. 95. n. 26. & alii.

1246 Ratio tertiae conditionis est; quia per incorporationem omnino extinguitur prima alienatio, seu concessio; & res, quoad dominium utile sic redivit ad Ecclesiam, ac si prius penes alium non fuisset; at sic continuari non potest; ergo; quando autem dicatur res denuo incorporari? Constat ex n. 1242.

1247 Difficultas autem est, quando censi potest res denuo taliter incorporata? R. et si hoc jam indicaverimus n. 1242. aliud quoque argumentum haberi ex Molina cit. D. 468. dicente, id posse presumi, quando administrator, finita emphyteusi, anno integro, abilius renovatione abstinuit; intellige, nisi constet renovationem esse dilatam ex alia causa.

Ex his concluditur, rem semel alienatam cum solennitate effici perpetuo alienabilem absque solennitate; Sic pluribus comprobat Gonzalez reg. 8. Cancellar. gloss. 6. n. 194. Riccius in præxi rerum fori Ecclesiast. decis. 26. Barbos. alleg. 95. n. 32. modo in hac prioris concessionis continuatione serventur nominatae tres conditiones.

Quoniam autem supra diximus, res Ecclesiasticas possè in emphyteusim dari, etiam cum jure transmittendi ad hæredes extraneos per continuationem prioris concessionis, quæstio est unde colligi valeat priorem concessionem esse taliter factam? si enim prior id non fecisset, posterior non esset illius continuatione, sed nova concessio, quæ fieri nequit omisis solennitatibus de jure requisitis; quibus positis:

Dubium est, an emphyteusim Ecclesiastica alicui concessa expresse in perpetuum, seu ad quoslibet successores, aut hæredes, intelligatur non tantum de descendentiis, sed etiam ascendiis, imo & extraneis? ante resol. not. talis alienationem cum debitiss de jure solennitatibus etiam in rebus Ecclesiasticis recte fieri posse ex dict. supr. Deinde per Novellam. Et hoc quidem. 120. c. 6. §. licentiam ubi dicitur, res, etiam Ecclesiarum, posse servatis solennitatibus in emphyteusim dari, etiam in perpetuum, ibi: *Licentiam igitur damus pradi-
ctis venerabilibus domibus, non solum ad
tempus emphyteusim facere immobilium re-
rum sibi competentium; sed & perpetuam
hac eis emphyteutico jure volentibus dari.* Et si quidem Sanctissimæ Ecclesiæ sint, vel aliae venerabiles domus, quarum gubernationem loci Sanctissimus Episcopus aut per se, aut per venerabilem chororum Clericorum faceret, cum voluntate eorum, & consensu fieri, hujusmodi contractum, jurantibus, presentibus oeconomicis, & administratoribus, & chartulariis ipsius venerabilis domus, quod ex hac emphyteusi nullum damnum eidem venerabili domui infertur &c. quibus positis:

R. affirmativè; nam, si talis emphyteusis, sub illis terminis, servatâ juris solennitate, fieri possit in bonis Ecclesiæ, valebit cum dicta extensione; sed fieri po-

potest ex p̄ced. n. ergo facta valebit cum illa extensione, & ita tenet Covarruv. 2. variar. c. 17. n. 5. Molina cit. D. 469. post 1. Conclus. Julius Clarus §. Emphyteusis. q. 28. n. 6. Dixi, emphyteusim Ecclesiasticam expressè datam emphyteutæ in perpetuum, seu ad quoslibet successores, aut hæredes, extendi etiam ad hæredes ascēdentes; imò & extraneos. Nam si data sit alicui cum hac clausula, pro se suis, & hæredibus; non transcendit tertiam generationem, nec porrigitur ad hæredes extraneos, per Novellam 120. c. 1. §. Emphyteusis v. rō, ibi: Emphyteusis vero à predicta sanctissima majore Ecclesia regia civitatis, & commemoratorum locorum fieri jubemus in personam ejus, qui accepit, & aliis duobus deinceps hæredibus, & non amplius de sexta parte instantis canonis dimittimus ei, qui emphyteusis iure accepit. Et infra ibi: Invenimus siquidem hæredibus habeant integrum canone, ab iis ordinatoribus, qui regunt ipsa venerabili loca, in emphyteusim secundum prædictum modum accipienti, & aliis duabus successionibus dari; Sic Covar. cit. c. 17. n. 2. & alii.

1252 Præter hæc not. 1. per hæredes intelligi non tantum viros, sed etiam foeminas, ut multis probat Covarru. cit. c. 18. n. 1. not. 2. esse distingendum inter hunc casum, quo alicui concessa est emphyteusis pro se, suis, filiis, & illum, quo daretur: pro se, suis, liberis, ut ipsis tanquam hæredibus deferatur; nam in 1. casu emphyteusis transit ad emphyteutæ filios dispositione domini directi, & concedentis emphyteusim; quo fit, si sint plures filii, eam, æqualiter esse dividendam inter ipsis; nec esse in arbitrio Patris, mutare voluntatem concedentis, uni dando totam vel maiorem partem, quam aliis; secus in secundo. Nam tunc concedens defert emphyteutæ illam relinquendi, tanquam hæredibus; quo casu voluntate patris præelectio relinquitur; de quo v. Molin. cit. D. 474. §. quando parens.

1253 Not. 3. emphyteusim alicui datam pro se suis, filiis, & descendantibus, non transire ad ascēdentes, vel extraneos hæredes; quod verum est, licet filii, vel descendentes hæreditati renuntiaverint; quia hæc renunciatio non facit, quod ascēdentes, velextranei hæredes sint emphyteutæ filii, vel descendantes. His enim voluntate

concedentis relinquitur in dato casu emphyteusis, in quantum emphyteutæ filii sunt descendentes; non autem, in quantum præcisè hæredes; sic Covarru. cit. n. 2. Difficultas est, an emphyteusis concessa alicui pro se, suis, filiis, & hæredibus, limitetur ad solos filios, si hæredes sint? an porrigitur etiam ad extraneos, si ipsi hæredes sint, emphyteuta?

Ante resolut. advertend. 1. quod emphyteusis Ecclesiastica natura sua non transeat ad hæredes extraneos, nec illis competit, nisi hoc expressum sit in concessione; Sic Castropal. cum pluribus aliis de reverent. debit. Ecclef. D. unic. p. 15. §. 4. n. 5. post medium. Advertend. 2. quod illa dictio & ibi: Suis, filiis, & hæredibus, non restringat significatum filii, ut filius non possit emphyteusim capere, nisi simul sit hæres; sed augere, ut non tantum ad filios, qui jani præsupponuntur hæredes; sed etiam ad alios hæredes. esto non sint filii, talis emphyteusis devenire possit; alias enim eis hæredibus, supra filios, qui aliunde supponuntur hæredes, nihil operaretur; quo positio:

2. Si dicta emphyteusis sit secularis, 1255 concessionem sub ea clausula, etiam porrigi ad hæredes extraneos; non autem si sit Ecclesiastica: Ratio est; quia talis concessio ab Ecclesia facta (nisi oppositum exprimat) nunquam præsumitur facta contra naturam feudi, vel emphyteusis Ecclesiasticæ; ergo ubi feudum, vel emphyteusis concessa est alicui pro se, suis, filiis, & hæredibus, eis hæredibus non porrigitur, nisi ad hæredes suos, & necessarios; quia si etiam ad extraneos, effet contra naturam feudi; & emphyteusis Ecclesiasticos ex n. p̄ced.

Not. 4. feudum, vel emphyteusim alicui concessam dici hæritariam, quando in ejus constitutione expressè mentio sit hæredum, puta: si dicitur: tibi, suis, hæredibus; ex pacto autem, seu non hæritariam, quando nulla mentione hæredum facta conceditur, vel dicendo: sibi, suis, liberis, ac descendantibus; Sic Julius Clarus 1. 4. sentent. §. Emphyteusis. q. 16. Molina tom. 2. D. 472. & alii. Ex hoc fit, emphyteusim non hæritariam patri, solum ex pacto concessam, transire ad filios, esto recent hæreditatem sibi reliquam à patre; nimurum iure pacti, sic Covar. p. 2. Variar.

294 *Tract. in Lib. III. Decretal. Quesitio XIII.*

c. 18. n. 4. dixi *emphyteusim*; nam aliud est *de feudo*; hoc enim nunquam ad filios, & haeredes transit, sed ad *agnatos*, ut notat Castropal. cit. §. 4. in fine.

§. 13.

*Quid tenendum de locatione
commoditatis rerum Ecclesiasticarum?*

1257 **S**ermo est de locatione *ultra triennium* earum rerum, quæ ultra hoc tempus, sine juris solennitate locari non possunt, ut constat à n. 1171. quod intellige de triennio non *temporis*, sed *fructuum*. Nam si alicui ad triennium locata sit v. g. *vinea Ecclesiæ*, & locarius solum primo anno exinde percepit fructus, non autem duobus reliquis (quod essent anni steriles, & infecundi) posset locationem continuare adhuc biennio, vel etiam ultra, dum verum sit, finitum esse triennium *frugiferum*; Sic Navarr. in Comment. de alienat. rer. Eccl. à n. 21. Covarr. 2. Variar. c. 16. n. 6. Vallenfis. h. t. n. 4. & alii.

Quoniam vero quandoque continet, res quasdam Ecclesiæ, longius diffitas, non æquè commode, ac fructuose administrari posse ab ipsis Ecclesiis, hoc est, eorum Rectoribus, quibus ex officio incumbit administratio talium bonorum; & utilius fore illis, si alicui, qui vel vicinus est, vel in vicino alia bona habet, locarentur, sæpius dubitatum fuit, an, si non *res*, sed *sola commoditas* rei locaretur alicui, etiam ad plures *triennio* annos, ageretur contra prohibitionem de rebus Ecclesia non alienandis per locationem *ultra triennium*?

1258 Difficultas est, quid hic importetur per locationem *commoditatis*? ne coincidat cum locatione *rei* fieri prohibita; consequenter ne, in fraudem legis, re ipsa sit locatio solum *pallata*, quæ Constitutionibus Apostolicis interdicta est, ut constat ex dict. P. Paulus Rosmer de contract. §. de Clericis q. 2. illat. 4. per *commoditatem* intelligit, facultatem aliqui concessam ad fructus, ex tali re percipiendos, nomine locantis, seu conceden-

tis; non autem nomine ejus, cui locatur, vel conceditur.

Alii, hanc *commoditatis locationem* 1259 constituunt in quadam conventione, quâ is, ad quem res (*vinea* v. g.) pertinet, convenit cum alio, ut illam colat, labore, prout requiritur, ut fructum reddat; & ex fructibus, quos nomine ipsius Domini collegit, tantum (expressâ certâ quantitate) annuatim Domino praefter; reliquum sibi habeat in compensationem laboris, ac expensarum, quas alioquin rei Dominus, conductis operis, facere debuisset magna incommoditate. Hac enim conventione accedit utriusque *commoditas*; (seu utilitas) & *Cultori*, faciendo sibi lucrosum laborem suum, & vigilantiam pro conservanda, vel etiam promovenda rei foecunditate; & *Domino*, habenti in illo locatario majorem in propinquuo vigilantiam pro bono fundi sui, liberato ab itineribus, & negligenter operarum, quæ communiter sunt absente Domino, fructum annum reisu, &c. quib. positis:

Videtur omnino dicendum, locationem *soli commoditatis*, sic explicata, etiamsi fiat ad plures annos, etiam sexenio, etiam sine juris solennitate, cæteroquin in locationibus rerum Ecclesiasticarum servari præceptâ licite fieri; & ita tenet P. Rosmer. loc. cit. dicens: licitum esse elocare ad tempus *longum*, etiam ad *tempus vita*, rem Ecclesiasticam, quoad *commoditates*, ac *fructus* percipiendos nomine *locantis*; non autem nomine ejus, cui locatur. Nam sola concessio, quæ nullum rei Ecclesiasticae immobilis, vel mobilis pretiosæ dominium transfert in alterum, non est illicita, esto fiat sine juris solennitate, cæteroquin servari præceptâ; sed locationem *commoditatis* sic explicata, nullum transfert dominium rei Ecclesiasticae immobilis, veletiam mobilis pretiosæ; præstat enim hoc duntaxat, quod ille locarius nomine locantis colligat fructus rei; & inde sibi capiat solutionem operarum, & expensarum in eam rem factarum, sublevandi Ecclesiam, vel Monasterium à multis molestiis, si per alios id curare debuisset, ut dictum est; ergo.

AR-